

«Норуот
күүһэ —
көмүөл
күүһэ!»

ЭНСИЭЛИ

2014 сыл
Бэс ыйын
18 күнэ
Сэрэдэ
№ 85 (10141)

+12

1935 сыл алтынньы 5
күнүгэр төрүттэммитэ

○ Нам улуухун хаһыата ○

1996, 2005, 2009 сылларга
«Сыл бастын хаһыата»

БЭБЭНЭЭ... БҮГҮН... САРСЫН...

Улуус баһылыгын
мунһабыттан
бэлиэтээһиннэр

Намнааҕы ветеринарнай управление начальнига С.Д. Эверстов штат 5 киһинэн сарбыллан 12 эрэ үлэһиттээх хаалбытын, хамнас кыра буолан сорох нэһиликтэргэ специалистар тохтооботторун, 2013 сыл түмүгүнэн управление Бүлүү уонна киин улуустар куоталаһылыарыгар бастын үлэлээһинэн ааттаммытын, быйыл тэрилтэ аккредитацияны барыахтаабын, улуус үрдүнэн ынах сүөһү 13776 төбөҥө, сылгы 13120 төбөҥө тийибитин, сүөһү, сылгы өлүүтэ аччаабытын туһунан иһитиннэрдэ.

Намнааҕы 2 №-дээх профлией директора Нь.М. Жирков лицей үлэтин сүрүн хайысхата тутуу, промышленность, тыа хаһаайыстыбатын уонна олох-дьаһах коммунальнай хаһаайыстыба профессионалыгар кадрдары бэлэмнээһин буоларын, штат ахсаанын сааһылааһынга үлэ барарын, дьиэ-уот, оборудованиелар эргэригин саҥардыыга туруорса сылдьалларын, учебнай корпус тутуутун бырайыага сүннүгүн бүтүрүүн, бэйэ үбүнэн быйыл 1,5 мөл. солк. суумалаах өрөмүөннүүр үлэ ытыллыбытын туһунан сырдатта.

Спорт управлениетын начальнига П.Г. Иванов иһитиннэригинэн, спорт 14 көрүгэр VI спортивнай Оонньууларга кыттарга путевканы ылары ситиспиттэр, Хатаска уонна Чурапчыга ытыллыбыт күрэхтэһиилэргэ биһиги спортсменнарбыт ситиһилээхтик кыттыбыттар. Үс бастын иһигэр киирээргэ эрэл баар.

Улуус баһылыга А.П. Атласов туһааннаах салайааччылары улахан тэрилтэлэргэ үлэ харыстабылын специалистарын штатын көрдөрүүгэ үлэлэнэлэригэр, тутуулар бара турар сирдэригэр бэрээдэги араҥаччылыырга дьуһуурустубаны тэрийэллэригэр, атырдьах ыйын 20 күнүгэр диэри «Намкоммунтеплоэнерго» ААО лицензияны ылыгытын ситиһэллэригэр, үлэтэ суохтар испииһэктэрин чуолкайдаан общественной үлэлэргэ кытыннарыыны тэрийэллэригэр, ДЮСШ саалатын, интернаттын өрөмүөннээһини түргэтэтэр дьаһаллары ыалларыгар соруудахтаата.

Роспотребнадзор территориальной салаатын кылаабынай бырааһа Л.И. Ильина VI спортивнай Оонньууларга кыттар, тэрийэр дьоннор түһэр, сылдьар сирдэрэ, тэрилтэлэрэ аккредитацияны барыларыгар бу ый 25 күнүгэр диэри бэлэм буолууларын ситиһэри ирдээтэ.

«Ленскэй нэһилиэк» МТ баһылыга А.Г. Новгородов дьаһалта тэрийэр субюктуньуктарыгар улуус тэрилтэлэрэ көхтөөхтүк кыттыбыттарын бэлиэтээтэ, махталын биллэрдэ. 58 тэрилтэ благоустройствоны ытар былаанынан үлэли сылдьаллар. Олордуллубут мастарга ууну куттарыыга дьаһалта «Намкоммунтеплоэнерго» ААО-ны кытта Сөбүлэллэһи түһэрсэн куттарар былааннаах.

Бэлиэтэнэ И. ИВАНОВ

КЭСКИЛБИТИН ТҮСТҮӨБҮН!

УБААСТАБЫЛЛААХ УЛУУС ТЫАТЫН ХАҤААЙЫСТЫБАТЫН ҮЛЭБИТТЭРЭ!

Аны ыйы кыайбат кэминэн биһиги улууспутугар саха норуотугар улахан суолталаах Саха республикатын норуоттары VI спортивной оонньууларга буоларын бары билэн олоробут. Бу улахан суолталаах мероприятие хайдах тэриллэн ытылларыттан Нам улуухун инники кэскилэ түстэнэрин нэһилиэнньэ өйдөөн тэрээһин үлэлэргэ актыыбынайдык кыттыһара улахан суолталаах.

Нам улууһа, история кэрэхэлиринэн, ханнык баҕарар кэмгэ республика сайдытыгар инники күөҥгэ сылдьара, инникитин да сылдьыаҕа. Улуус аата-суола, чизэһэ, инникитин кэлэр көлүөнэ ыччакка холобур буолара барыбытыттан тутулуктаах. Ону таба өйдөөн бу улахан меропри-

ятие үрдүк тэрээһиннээхтик ытылларыгар Нам улуухун тыатын хаһаайыстыбатын үлэһиттэрэ, туора турбакка, туох кыахтаахпытынан көмөлөһөн кыттыһарбыт хайаан да наадалаах.

Ол курдук, биһиги инники күөҥгэ сылдьар хаһаайыстыбаларбыт «Эрэл» ТХПК (дир. Гуляев Нь.Ф.), «Дьулус-97» КФХ (баһ. Сивцев М.П.) бэйэлэрин харчынан көмөлөрүн бастакынан онордулар. Кинилэргэ улахан махталбытын тиэрдибит.

Улууспутугар 45 тэриллиилээх, 165 бааһынай, 2375 чааһынай хаһаайыстыбалар тыа хаһаайыстыбатын салаатыгар үлэлииллэр. Кинилэр бары бу улахан мероприятие тэрээһин үлэтигэр көмөлөһүөхтэрэ, улууспут

чизэһин туруулаһахтара диэн улахан эрэлбитин биллэрэбит.

Улууска тэриллибит Оонньуулары өйүүр Фонда счетугар эһигини барыгытын, ким төһө кыахтаагынан, көмөбүтүн киллэрэгитигэр ыгырабыт!

Улахан эрэли кытта,
Е.Е. ГОГОЛЕВ,

Нам улуухун тыатын
хаһаайыстыбатын

управлениетын начальнига;
М.В. ЖИРКОВА,

АПК үлэһиттэрин профсоюзун
УК председателэ;
Е.И. СТРУЧКОВА,

Нам улуухун бааһынай
хаһаайыстыбалар


Ассоциацияларын
председателэ

Духуобунас сылыгар

2012 сыллаахха от ыйын 9 күнүгэр I Хомустаах нэһилиэгин баһылыга А.П. Атласов 398 №-дээх муниципальный тус сыаллаах «Нэһилиэк духуобунай сайдытытын» программатын уурааҕа тахсыбыта. Бу уураахха олобуран депутаттар сессияларынан 2013 сыл – Духуобунас сылынан биллэриллибитэ. Ол чэрчитинэн олунньу 8 күнүгэр 2013 с. Духуобунас академиятын вице-президентэ Николай Алексеевич Лутинов кытта сөбүлэн түһэрсиллэн, нэһилиэкпитигэр араас таһымнаах тэрээһиннэр ытыллыа тураллар.



Бу чэрчитинэн ыам ыйын 15 күнүгэр «Сиэри-туому ис сүрэхтэн тутуһуу» диэн тизмэҕэ көрсүһүү буолан ааста. 4 түһүлгөнэн маастар - кылаастар ытыгыннылар. 1-кы түһүлгэ: «Ыһыах сиэри-туома». Афанасий Семенович Федоров – Саха республикатын искусстволарын үтүөлээх деятелэ, СР үтүөлээх артыыһа күнү көрсүү сиэрин-туомун, кымыс иһиитин, түһүлгэни тэрийи ис хоһоонун уонна омук төрүт инструменнарын тутуу туһунан кэпсээтэ. 2-с түһүлгэ «Саха таҥаһа, кизиргэлэ». Төрүт тигии ньымаларын, оһуор, ойуу-дьарҕаа суолтатын Светлана Ивановна Петрова, этнограф, исторической наука кандидата, ХИФУ доцена билиһиннэрдэ. 3-с түһүлгэ «Саха балаһанын ту-



тээбиринин оноруу туһунан кэпсээтэ. 4-с түһүлгэ «Виртуальной быыстапка». Бу түһүлгэҕэ СССР народнай, РСФСР үтүөлээх худоһунньуга, Ойуунускай

уонна бэчээтин туйгуна, Галина Гаврильевна Федорова, республика культураны үтүөлээх үлэһитэ уода.

Бу тэрээһингэ Үөдэй, Партизан, Хомустаах нэһиликтэрин дьоно-сэргэтэ көхтөөх кыттыыны ылылар. Маастар - кылаастарга сылдьан дьон элбэххэ үөрэнэн, үгүһү билэн-көрөн тарҕастылар.

БЭРЭСТЭБИИТЭЛ ТАЛЫЛЫННА

А.Г. Новгородов информации сүннүгүнэн общественной сәбиэт сыбаалканы көрүүнү-истиини, бөү тизэтирини бэрээдэктири, олордуллубут маска ууну куттарыыны хааччылары, суолу өрөмүөннээһин уонна асфальтааһын хаачыстыбатын кытаанах хонтуроолга ылары сүбэлээтилэр уонна туолуутун хаһыат нөҥүө нэһилиэнньэ би-

Духуобунай баайы киэнник баһылаан, чөл туруктаах уһун үйэлээх норуот буолуоҕун!

«Эйгэ» пресс-киин,
I Хомустаах

лиитигэр таһааттарыгар этии онордулар. СР Общественнай палата-тыгар бэрэстэбиитэли талыыга 4 кандидат кистэлэн куоластааһынга киллэрилиннилэр. Куоластааһын түмүгүнэн, Станислав Иванович Тоскин баһыйар куолаһы ылан бэрэстэбиитэлинэн талылынна.

И. ИВАНОВ



VI-с спортивной
оонньууларга
диэри
21
күн хаалла

Бүтүүммүт дьыалата

КЫЛААПТЫН КИЛЛЭРИЭХХЭ

Бэс ыйын 17 күнүнээҕи тургунан фонда счетугар 15 мөл. 674 тыһ. 986 солк. киирдэ (5 мөл. – бюджет субсидията).

Күндү олохтоохтор, үлэһиттэр, предпринимателлэр, бизнсийэлээхтэр, тэрилтэ салайааччылары, Оонньуулар буолаллара бэрт кылгас кэм хаалла. Биримэ сүрдээх ыгым, онон наһаа набылбакка, сып-сап дьаһанан, көмөнү көмө курдук ыһаппакка – кэнэппэккэ ытыан иһэргитигэр көрдөһөбүт.

Фонда салалтата
Тел. 42551

Получатель: Некоммерческая организация «Фонд поддержки проведения VI спортивных игр народов РС (Я) в Намском улусе» ИНН 1417999570 КПП 141701001 Банк получателя Якутский РФ ОАО «Россельхозбанк» г. Якутск БИК 049805771 к/с 30101810600000000771 р/с 40703810060020000073 Назначение платежа: добровольное пожертвование

Күндү ааҕааччыбыт!

Быйыл сыл бастакы анарыгар сурутууга почтаҕа федеральной субсидия көрүл-лүбэтэбин түмүгэр хаһыаттары, сурунааллары таһыыга тарифтар 22% ыараатылар. Ол түмүгэр сурутуу сыаната эмиэ итичэ ыараата.

СУРУТУУ -
2014

«Энсиэли» хаһыакка сибээс отделениеларынан, общественной сурутааччыларынан 2014 сыл иккис агарыгар сурутуу ытыллылар.

	аадырыска тиэрдин	почтаттан ылыы
6 ыйга	486,12	463,44
3 ыйга	243,06	231,72
1 ыйга	81,02	77,24

«ЭНСИЭЛИ»
Нам сонуннара -
манна эрэ!

Хаһыат индексэ — Р0005,
нэдиэлэҕэ иккитэ тахсар.

НЭНИЛИЭКТЭР СИРДЭРИН-УОТТАРЫН ТУПСАРЫЫ АКЦИЯТА

Нэһилиэктэр сирдэрин-уоттарын тупсарыы туһунан акция сонуннарын улуус хаһыаттарыгар таһаарыыны тэрийэргэ, онуоха, уопастыбаннас бэрэстэбиитлэлэрин киллэрэн туран, улуус баһылыгын иһинэн ыстааптары тэрийи көрүллэр. Барыллаан бэс ыйын 15 күнүгэр диэри ыстаапка үлэлиир дьону талыы ытыллар.

Хас биирдии куорат уонна тыа сириҥи поселениеларыгар сирди-уоту тупсарыыга, көбүрдүүгэ үс сыллаах былаан ылыныллыахтаах. Ити былаанга ханнык үлэлэри киллэрэри уопасты-

баннас бэрэстэбиитлэлэрэ уонна ыстаап быһаарар. Ол курдук, хас биирдии куорат уонна тыа сириҥи түүлбэлэрин олохтооҕо чугастааҕы үс сылга туох тупсарылларыгар, ханнык үлэ ытылларыгар дьайыан сөп, холобур, оҕо оонньуур сирэ эбэтэр оскуолаҕа тиэрдэр суолга өрөмүөннэнэригэр. Бу хайысхаҕа үп өрөспүүбүлүкэ бюджетиттан ытыллыаҕа.

Хас биирдии учаастакка туһааннаах учреждениелар уонна тэрилтэлэр сыһыарылыахтаахтар. Учреждение эбэтэр тэрилтэ ханнык үлэни ытыахтааҕын

эрдэттэн билэрин инниттэн, сирди-уоту тупсарыы, көбүрдүү үлэтин былаанын дьүүлэһиигэ кыттар булгуччулаах. Итиэннэ идэлээх дьон кытталара тугу да мэхэйдээбэт. Кинилэр үлэлэрин муниципальнай тэриллиилэр уопастыбаннай сүбэлэрэ хонтуруоллуурлар.

Егор Борисов көбүлээһининэн социальнай уонна уопастыбаннай үлэлэргэ көхтөөхтүк кыттан, бэйэлэрин куораттарын эбэтэр сэлиэннэлэрин тупсаралларын дьон өйдүүх тустаах.

Григорий КОНСТАНТИНОВ

Учуутал – уус чулуута

Учуутал үлэтэ хаһан баҕарар айымньылаах сыһыаны, үгүс сыраны эрийэр. Ол быһытынан хас биирдии учуутал туста суоллаах-иистээх, үөрэтэр ныымалаах, албастаах буолар. Онон учууталлар айымньылаах үлэлэрин өйүүр, бастын опыттарын киэн эйгэҕэ таһаарар сыаллаах биһиги оскуолабытыгар «Сыл бастын эдэр учуутала» күрэх ытытыллына. Бу күрэххэ барыта биэс эдэр учуутал кыттан бэйэлэрин сатабылларын көрдөрдүлэр. Ол курдук, Табуанова Е.М. (химия), Захарова В.Л. (нуучча тыла уонна литература), Гоголева С.М. (математика), Бережнев П.С. (история, обществознание), Ядреева М.И. (музыка).

Күрэх кыттыылаахтарыттан манньк ыйытыыларга хоруйдууларыгар көрдөстүм: Бу күрэххэ кыттан тугу саҕаны биллинг, туохха үөрэнниг? Манньк күрэхтэр ытытталларын туох дии саныгыгын?

Захарова В.Л.: «Конкурс провели на высоком уровне. Наверно, все молодые учителя волновались на каждом этапе. Пользуясь случаем, хочу поздравить свою коллегу, одноклассницу Елену Михайловну Табуанову с победой на конкурсе.

Желаю всем плодотворной работы, любящих учащихся, понимающих и поддерживающих родителей! Проведение таких конкурсов стимулирует плодотворной работе».

Табуанова Е.М.: «Бу күрэххэ саамай долгутуулаах түһүмэтинэн миэхэ уроук ытыааһына буолла. Уроккупун 8-с кылаа-старга «Строение атома» диэн тизмэҕэ ыттым. Биир уустук түһүмэтинэн төрөспүттэри кытта үлэ буолла. Миэхэ «Здоровое питание школьника» диэн тизмэ түбэспит. Төрөспүттэр олус көхтөөхтүк кытыннылар, онон биһиэхэ төһүү күүс буоллулар. Үһүс түһүмэххэ бэйэбит үлэли сыйдыр методическай тизмэбинтэн көмүскэтибит. Бүтэһик түһүмэххэ бэйэни билиһиннэри уонна аудиторияны кытта үлэ күрүө буолла.

Олус сэргэх, интэриэһинэй күрэх буолан ааста. Бу күрэххэ эдэр учууталлар бары бииргэ түмсэн, санаабытын холбоон,

«СЫЛ БАСТЫН ЭДЭР УЧУУТАЛА»



бэйэ-бэйэбитин өйөһөн кыттыбыппытыттан олус үөрэбин. Түгэниэн туһанан, МО салайааччытыгар Колесова Е.В., оскуола администрациятыгар, күрэх тэрийэччилэригэр улахан махталбын тиэрдэбин!»

Ядреева М.И.: «Мин оскуола-ҕа сана 2013-2014 үөрэх сылыгар музыка учууталынан үлэлибин. Манньк таһымнаах күрэххэ бастакы кыттым. Олус сөбүлээтим, элбэххэ үөрэнним. Төрөспүтү, аудиторияны кытта үлэҕэ, аһаҕас уроктарга сыйдыан опыт атастастыбыт, бэйэ-бэйэни кытта чугастык билистибит. Манньк күрэхтэр буолаллара эдэр учууталга олус туһалаах эбит диэн түмүккэ кэллим».

Бережнев П.С.: «Мин оскуола-ҕа бастакы сыйбын үлэли сыйдыбын. История, обществознание уроктарын ытыабын. Куонкурсу сүрдээх интэриэһинэйдик ааста. Манньк куонкурустар чуолаан эдэр учууталларга олус туһалаахтар дии санаатым. Бу куонкуруска кыттаммын элбэҕи билим-көрдүм. Аһаҕас урокупун 5-с кылаастарга ыттым. Оҕолор актыбынайдык кыттаннар, урогум сэргэхтик ааста дии

санаатым. Инникитин дьүүлүүрү сүбэ миэхэ эппит сүбэлэрин уруктарбар туһаным.

Түгэниэн туһанан, бу куонкурсу кыайыылааҕын Елена Михайловнаны эҕэрдэлибин уонна күрэх тэрийэччилэригэр махталбын тиэрдэбин!»

«Сыл бастын эдэр учуутала» күрэх кыайыылааҕын Табуанова Е.М. буолла. Ону таһынан, Россия уопсай үөрэхтээһинин үтүөлээх үлэһитэ, СР үөрэх-риитин туйгуна, биология учуутала Колесова Е.В. анал бириэмийэтин тутта. Захарова В.Л. «Педагогическая концепция», Гоголева С.М. «Педагог – организатор», Бережнев П.С. «Педагогическая надежда», Ядреева М.И. «Креативность» анал ааттарга тигистилэр.

Бары көхтөөхтүк кыттан үөрэх-иити процеһыгар, сана федеральной государственной үөрэх халыбын ирдэбилгэр дьүөрэлээн үөрэх хаачыстыбатын ситиһиигэ элбэх кэскиллээх санааны торумнаатылар, айымньылаах үлэҕэ турунулар.

«Эйгэ» пресс-кии, I Хомустаах

ХОМУСПУТ – МАННЫК

пропагандалааһынга дьаныһан туран үлэлэбит киһинэн билэбит. Кини төрөөбүт улууһугар эрэ буолбакка республикаҕа, Российской Федерацияга уонна аан дойдуга биллэр норуот ырыаһыта, энтузиаст, импровизатор-хомусчут, алгысчыт, Партизан, Таастаах, Нам улуу-һун «Ытык киһитэ», «СР норуотун хаһаайыстыбатын үтүөлээх үлэһитэ» бочуоттаах аат хаһаайыһынан буолар.

Дмитрий Иванович нэһилиэгин хомусчуттарын түмэн «Дьүрүл» народнай ансамблы тэрийбитэ, салайбыта 38 сылтан орто. Бу түмсүү араас таһымнаах тэрээһиннэргэ ситиһиллээхтик кыттан улуустарын, республикаларын чиһин көмүскээн кэллэ.

Салайааччыларын сүдү талааныгар сүгүрүйэн, сырдык санаатын ылынан ансамбль чилиэннэрэ саха фольклора көлүөнэттэн көлүөнэҕэ салҕанарын туһугар күүс-көмө, көх-нэм буолан кэллилэр. Кинилэртэн ыгычаты хомуска, саха фольклоругар уһуйар импровизатор-хомусчуттар, тойуксуттар, чабырдахсыттар, оһуохайдыттар баар буолбуттара олус кэрэхсэбиллээх. Саха омук үтүө үгэстэрин нэһилиэк бүтүгүнэ сэргиир, тутуһар. Ол да иһин Партизаннары дьон-сэргэ «хомус, фольклор биһигэ» диэн мээһэ эһпэт. Манньк үрдүк сыанабылы ылыы дьулуруунан, дьаныарынан, түмсүүнэн, үгүс сыранан ситиһиллэр.

Бу үтүө тэрээһингэ ытыктыыр, сыаналыыр киһилэрин

Улуус баһылыгын колонката

ААСПЫТ НЭДИЭЛЭБЭ

Ааҕааччы, дорообо!

VI спортивной Оонньууларбыт саҕала-наллара 3 нэдиэлэ эрэ хаалла. Бэйэн көрө сыйдыарын курдук, күрэхтэһиилэр ыгытылар сирдэригэр үлэ-хамнас тэтимнээхтик барар. Дьон-сэргэ бу тэрээһин суолтатын өйдөөн, дууһатыгар, сүрүбэр ылынан кыра-улахан су-буотунньуктарга балачча далааһыннаахтык кыттар. Бу тэтиммитин ыһыктымыахпытын наада.

Билигин олус эпипиэттээх кэрдиискэ кэлли-бит, ол курдук эрдэттэн былааннаабыт Оонньу-улары аһы уонна сабыы церемониялар, араас культурнай программалар репетицияларыгар элбэх киһи кыттыылаах үлэлэрбит саҕаланыахтара. Онон туһаан-наах дьоннор кыра-улахан кыһалҕаларга улдьаарбакка этиллибит болдьоҕор чопчу кэлэн кытталлара эрэйиллэр, манна элбэх бири-эмэни бэйэ-бэйэни көрдөөһүнгэ ыппакка олус чуолкайдык, үр-дүк дьиссипилинэлээхтик сыһыаннастахпытына барыта этэнгэ буолуоҕа.

Өссө даҕаны барыта ситтэ-бүттэ диэн уоскуйбакка, төһө кыахпыт тийэйринэн, өйбүт-санаабыт тобуларынан бу улахан спортивной бырааһынньык өссө үчүгэйдик ыгытылларыгар туох ситэ оһоһулла илигин, хомулла илигин кэрийэн көрөн, миэнэ-эйиэнэ диэн сэлээннэ-спэккэ бэлэмнэни үлэтин өссө салгыы ыттан, тэтимин түргэтэтэн, кэккэ бырааһынньыктарбытын ахсаанын аҕыйатан улахан уонна бүтүгүмүт дьыалатын силигин ситэрэн, кэлбит ыалдьыт бары дуо-һуйа сынньанан, үөрэн-көтөн, Нам сири-уотун, дьонун-сэргэтин туһунан үтүө санаалаах төннөллөрүн хаачыйарга дьулуһуоһун!



Александр АТЛАСОВ

Арба, мань аахпытын дуо?

«КЫЫС ХОТУН»

Манньк ааттаах кинигэни тутан олоробун. Ааптара Бартыһаан 8 кылаастаах оскуолатыгар бииргэ үөрэммит оҕо сааспыт доҕоро, би-лигин Үөдэй олохтооҕо Январь Петрович Неустроев. Оскуолааҕы мэник-тэник сылларбыт ааспыттара номнуо 50 сылын ааһа оҕуста. Төһө да 50 сыл элэгнээһэн аастар сырдыкка уһуйбут, олох киэн аар-тыгар таһаарбыт күндү учууталларытын олох умнубаппыт. Ол кур-дук, директорбыт Свинобоев Николай Егорович, кылаас салайаач-чыта Парникова Мария Спиридоновна, история учуутала Стручков Семен Никоневич сырдык мөссүөннэрин хаһан да умнуохпун суоҕа! Ордук улахан махталбытын саха тылын уонна литературатын учу-уталыгар Дмитриева Анна Дмитриевнага тиэрдэбит. Кини били-гин I Хомустаахха этэнгэ олорор. Учууталбытын билсэ олоробут, кэммиттэн кэмигэр бэйэбитин көрдөрөн ыалдьыттаан ааһааччыбыт.

Биһиги кылаастан үс киһи, туһааннаах үлэлэрин таһынан, кэн-ники айар талааннара аһыллан хоһооннору, ырыалары, кинигэлэ-ри таһаартардылар. Кинилэр оскуолаҕа үөрэнэр сылларыгар ли-тературнай куруһуокка анаан дьарыктамматахтара гынан баран, ытыктыыр учууталбыт Анна Дмитриевна төрөөбүт тылга тапта-лы инэрбитэ дьайан, бу оҕолор айар дьоһурдара кэнники уһуктан (хойуотаан өйдөмүккэ дылы) сааһыран иһэн суруйар буоллулар. Инньэ гынан, кыракий кэһи тутуурдаах табаарыспытын Январь Петровиһы үөрдээри, бастакы кинигэтэ күн сириҥи көрбүтүнэн эҕэрдэли дьэитигэр киирэн кэллибит. Кылааһын оҕолоругар ба-рылларыгар биирдии кинигэни туттартаан кэбистэ. Кинигитигэр ки-һини интэриэһиргэтэр хоһооннорунан, мин санаабар, кэргэнигэр анаабыта буолар. «Кыыс Хотун» диэн поэматын эмиэ холоонноох доҕоругар Надежда Петровнага анаабыт, бу поэма салгыта өссө да тахсыа диир. Кинигэ сүүсчэкэ хоһоонноох, үс түһүмэхтэн турар: «Билэр доммор», «Изйим этиттэригэр», «Ойом-сайам олукар». Кинигэ иннигэр республика бэчээтин туйгуна, «Кыһыл көмүс бөрү» бириэмийэ хаһаайына Г.К. Эверстов бэйэтин санаатын суруйбут.

Январь Петрович эдэр сааһыттан хоһоон айар этэ. Оччолор-го Үөдэйгэ Баишев В.Е. тэрийбит «Сыккыс» диэн литературнай куруһуогар уонча буолан сыйдыбыттар. Куруһуокка бэйэлэрин хо-һооннорун ааҕаллара, ырытыһаллара. Агитбиригээдэлэргэ, концер-тарга хоһооннорунан кытталлара. Январь Петрович, баҕар, мантан кыым ылан айара өссө аһылыбыта буолуо. Хоһооннорун мунһан, олорон эрэн бэрийэн үс түһүмэхтээн, дьэ, таһаартарда. Хоһоонноро элбэҕэ бэрт буолан, биир кинигэҕэ баппакка өссө да 1-2 кинигэ тах-сыах курдук диэбит кэрэхсэбиллээх. Аны билигин прозаҕа кытта холоһор буолбут. Биһиги табаарыспыт талаана аһыллан иһэрттэн үөрэбит эрэ.

Биһиги кылаастан Январь олоҕун салҕааччыларынан саамай баай киһибит. Кини аатын ааттатар 7 оҕолуок, 21 сиэннээх, биир хос си-эннээх. Эһэ, эбэ диэн эймэһийэр тыллартан өссө да изйиин киирэн ааҕааччыг сэгээрэр айымньылар элбэтигэр!

Матрена ЖИРКОВА,

Бартыһаан оскуолатын 1963 с. 8-с кылааһы бииргэ бүтэрбит табаарыһа

Үчүгэи үтүктүүххэ, үөдүтүүххэ уонна үксэтиэххэ

Соторутааҕыта Партизаннар «Хомустарын киинигэр» нэһи-лиэктэригэр диригиник убаас-танар, ытыктанар киһилэрэ, «Дьүрүл» народнай ансамбль салайааччыта, ССРС культу-ратын туйгуна Д.И. Кривошапкин өр сыллаах сыралаах үлэтэ, үр-дүк ситиһиитэ сыаналанан «СР культу-ратын үтүөлээх үлэһитэ» ааты ылытын бэлиэтиир дьоро киһэни тэрийбиттэрэ.

Дмитрий Иванович айыл-баттан бэриллибит талааннаах, норуот үтүө үгэстэрин сүрүбэр-быарыгар тутта сыйдыр киһи бы-һытынан (тойугу, чабырдаҕы, оһуохайы, хомуһу, олонҕону) са-ха омук фольклорун сайыннары-ыта, сагалыы тыын киллэриигэ,

ДЬОН БААР БУОЛАН...

үөрүүтүн үллэстэ нэһилиэгин дьыно, ыраахтан-чугастан ыгы-рыллыбыт ыалдьыттар, доҕотто-ро-атастара, республика, улуус культу-ратын үлэһиттэрэ, үөрөп-пит-такайбыт оҕолоро кэлэн кытыннылар, эҕэрдэлээтилэр. Ол курдук, эҕэрдэ эриэккэһин, баҕа санаа бастыгын, үтүө санаа үрдүгүн Дмитрий Ивановичка салайдылар: аан дойдутааҕы «Хомус» түмэлин директора Н.С. Шишигин, виртуоз-хомусчут, Покровская I №-дээх оскуола-тын директора С.С. Шишигин, Нам улууһун культу-ратын управ-ленияһын начальнига И.С. Новиков, Нам улууһун Ытык киһитэ, биллиилээх тойуксут, олонхоһут К.Н. Тихонов, улус ветераннарын сэбиэтин предсе-дателэ С.Д. Кобякова, «Дьыры-

лыатта» ансамбль салайааччыта Е.К. Иванова, биллиилээх хомус ууһа И.Н. Готовцев уода.

Бу үтүө тэрээһини талаан-наах ырыаһыттарбыт, хомус-чуттарбыт көмүс куоластары-нан, хомус дьүрүһүйэр тыаһы-нан ситэрэн-хоторон биэрди-лэр. Эҕэрдэлээбит эрэ барыта Дмитрий Иванович киһи киэнэ кэрэмэхэ, майгылаах мааныта, үлэһит бастына, тойуксут туйгу-на, олонхоһут улуута, оһуохай-дыт олуһа, чабырдахсыт талы-ыта, сэхэһиит сиздэрэйэ буола-рын чорбото бэлиэтээтилэр уон-на өссө да арылла, үөрдэ-көтүтэ чэгийэн-чэбдик сыйдыарыгар, үйэтэ уһууругар баҕардылар.

И. ИВАНОВ

БИЛЛЭРИИЛЭР

РАСПОРЯЖЕНИЕ
16.06.2014 №2.1-4-1203
Об установлении
рекомендуемой стоимости на
подвозную воду для населения
на территории МО «Ленский
наслед» на 2014 год
 Распоряжаюсь:
 1. Установить рекомендуемую стоимость на подвозную воду для населения:
 — на период до 01.07.2014 г. – 72,00 (семьдесят два) рубля за одну бочку (200 литров);
 — на период с 01.07.2014 г. по 31.12.2014 г. – 77,00 (семьдесят семь) рублей (200 литров).
 2. Службе адресных субсидий на ЖКХ ГКУ РС(Я) «Агентство субсидий» по Намскому улусу руководствоваться рекомендуемой стоимостью при расчете субсидий населению.
 3. Настоящее распоряжение опубликовать на официальном стенде Наследной администрации МО «Ленский наслед» и в газете «Энсиэли».
 4. Контроль исполнения данного распоряжения оставляю за собой.

Глава А.Г. Новгородов

Нам улунуугар Саха сириг
 норуоттарын VI спортивнай
 оонньуулар чэрчитинэн
 улуустаагы III төгүлүн
 ытыттылар «Энсиэли Боотура»
 эр дьон күрэс былдыаһытын
 БАЛАҤЫАННЬАТА
 1. Күөн күрэс сыала-соруга:
 Былыр-былыргыттан Саха-
 быт сирэ чулуу бөбөстөрүнэн,
 аар-саарга аатырар аарыма
 күүстээхтэринэн, кыырайа кө-
 төр кус быһыйдарынан киэн-
 ник биллэр. Быдан дьылартан
 саҕалаан күн бүгүнүгэр диэри
 эр киһи эт-хаан өттүнэн сайды-
 ытын таһымын, күүһүн-уоҕун
 холонон көрөр араас таһымнаах
 тэрээһиннэр сыллата ытыттыл-
 лаллар, саҕа ааттары таһаарал-
 лар. «Энсиэли Боотура» диэн
 күрэс ыччат дьонго чөл олоҕу
 көҕүлүүр, үгэһи тутуһан, мын-
 дыр ньыманан сөпкө туһанан,
 өбүгэ оонньууларын ирдэбиллэ-
 ригэр уһуйарга холобур буола-
 рын ситиһэр сыаллаах тэриллэр.

2. Буолар күнэ, чааһа, сирэ:
 Бэс ыйын 21 күнэ, 2014 сыл,
 14.00 ч.
 «Хатын–Арыы нэһилиэгэ»
 МТ «Хатын Чаран» КуоСП киин
 трибунаҕа.
 3. Тэрийээччи – «А.Ф. Ше-
 стаков аатынан сынньалан ки-
 ин» муниципальный бюджетнай
 тэрилтэ, «Нам улунуун спорт
 уонна физическэй культура упр-
 авлениета» МБТ. Күрэх кылаа-
 бынай судьуйата – И.В. Яковлев.
 4. Кыттааччылар:
 Күөн күрэскэ 18-тан 30-гар
 дылы саастаах эр дьон кыттал-
 лар. Күрэс 7 түһүмэтинэн барар.
 I түһүмэх: бэйэни билиһиннэ-
 рии. Кыттааччы сахалыы таҥас-
 таах, уус-уран тылынан бэйэтин
 билиһиннэрэр. Кыттааччыга 5
 киһиттэн аҕыйаа суох өйүүр
 бөлөх кыттыһара көгүллэнэр.
 II түһүмэх: «Үс төгүл үс»
 III түһүмэх: «Өһөс торбос»
 IV түһүмэх: «Мас тарды-
 һыта»
 V түһүмэх: «Хапсаҕай»
 VI түһүмэх: «Кыыс эскир-
 тии»
 VII түһүмэх: «Таас көтөҕүү»
 5. Кыайыылаахтары быһаа-
 рыы.

Күрэс кыайыылааҕын
 түһүмэхтэр очколарын түмү-
 гүнэн быһаарылылар. Тэҥнэһи
 тахсар түгэнигэр, кыайыылаах
 түһүмэхтэргэ I, II, III миэстэлэри
 ылбытынан көрөн быһаарылылар.
 6. Наҕараадалааһын.
 Кыайыылаахтар анал мэт-
 тээллэринэн, грамоталары-
 нан, сыаналаах бириистэринэн
 наҕараадаланаллар.
 Сайаапкалары бэс ыйын 18
 күнүгэр дылы «УСиФК» МБТ
 хомуйабыт.
 Аадырыһа: Нам нэһилиэ-
 гэ, И. Винокуров аат. уулусса,
 8 дьиэтэ.
 Билсэр тел.: 8-914-276-5001,
 8-924-461-9979, 8-964-416-3446,
 41-700.

Тэрийэр комиссия

Улуустаагы «Кыталык Куо»
 күөн-күрэх
 БАЛАҤЫАННЬАТА
 Күөн-күрэх сыала-соруга:
 1. Кэрэни кэрэхсир чөл ту-
 руктаах буолууга кэлэр кэн-
 чээри ыччатты, инники кэскили
 уһуйуу.

2. Өбүгэ үгэһигэр кэрэхсэби-
 ли ингэри.
 3. Саха кыыһа кэрэтин, дьо-
 бурун дьонго-сэргэҕэ тиэрди.
 4. Норуот тылынан уус-уран
 айымньытыгар хойуулар «Кы-
 талык» уобараһын көрдөрүү,
 арыыы.
 Ирдэбилэ: 7-тэн 12-гэр диэри
 саастаах кыргыттар кытталлар.
 Куонкурус 3 түһүмэхтэн
 турар:
 1 түһүмэх – Сахалыы таҥас-
 таах бэйэни билиһиннэри (3
 мүн. ордуо суохтаах);
 2 түһүмэх – талааны, дьобуру
 көрдөрүү;
 3 түһүмэх – «Кыталык» уоба-
 раһын авангард муода нөнүө
 көрдөрүү, арыыы.
 Буолар кэмэ: Бэс ыйын 21 кү-
 нүгэр Нам улунуун ыһааҕар,
 саҕаланар – 15 чаастан.
 Буолар миэстэтэ: Нам селотун
 сынньалан пааркатын Оҕо
 түһүлгэтигэр.
 Билсэр телефонут:
 89141117981, 89247618693, 41-
 1-62.

Намский участок Энергос-
 быта сообщает: согласно по-
 становлению Государственного
 комитета по ценовой политике
 – Региональной энергетической
 комиссии РС(Я) от 13 декабря
 2013 г. №248 с 1 июля 2014 г. вво-
 дятся новые тарифы на электро-
 энергию для населения и при-
 равненных к нему категорий по-
 требителей.

Однотарифный тариф для
 сельского населения составит
 3,10 руб./кВтч.

Подробнее о тарифах (в т.ч.
 зонных) можно узнать на сайте
 ОАО АК «Якутскэнерго»: <http://yakutskenergo.ru/info/regul/electro/electro/> или обратившись
 в Намский участок Энергосбыта.

Напоминаем о своевремен-
 ной оплате потребленных энер-
 горесурсов.

Справки по тел. 41-9-79

**ВНИМАНИЮ ЖИТЕЛЕЙ И
 ГОСТЕЙ НАМСКОГО УЛУСА!**
 До юбилейного розыгрыша
 «Супер-приз путевка во Вьетнам
 и 10 ценных призов» остались
 считанные дни. Супер-приз пу-
 тежка во Вьетнам! Сеть магази-
 нов «Электра».
 Мы работаем с 10-00 до 19-00 ч.

УНУРЭХ ТЫТТАР

Күндү дьүөгэбитин **ЕГОРОВА РОЗАЛИЯ ТИМОФЕЕВНАНЫ**,
 1 Хомуустаах олохтооҕун, улахан дьыэ кэргэн ийэтин, эбээтин, хос
 эбэни өрөгөйдөөх үбүлүөйүнэн итиитик-истинник эбэрдэлиибит!

Эн ханна да үлэлээбитин иһин, ыраас-чэнчис туттуугунан, тала-
 аннаах тарбаххынан дьон-сэргэ убаастабылын ылыаххын ылаҕын!
 Дьыэнг тиэргэнэ араас дьэрэкээн сибэккинэн, сайын айыы симэнэр,
 үүннэрэр оҕуруотун аһа М.Е. Николаев биһирэбилин ылыан ылар.
 Олоххо көхтөөххүнэн дьонун-сэргэн киэн туттар. Сааһырдым диэн
 саппаҕырыма, олоххо саҕаттан саҕа кэрдиис кэмнэргэ өссө күүскэ
 баҕаран туран ай-тут. Оҕолорун, сиэннэрин, хос сиэннэрин Эн олох-
 хун симээн истиннар! Оҕолорун ситиһиллэрэ Эйигин үөрдэ турдун-
 нар! «Аартык» маҕаһыын араҕа чыта, үлэлээбитин курдук сырыт!
 Доруобай буол! Дьолун Эн тула эргий-көтө сырыттын!

Дьүөгэлэрин, биһиргэ үлэлиир кыргыттарын

Күндү уолбун, бырааппытын, таайбытын **СЛЕПЦОВ ЛЕОНИД
 АЛЕКСЕЕВИЧ**, талан ылбыт идэҕинэн доруобуйа харыстабы-
 лыгар үрдүк таһаарылаахтык, бэриниилээхтик үлэлээн-хамсаан,
 киэн билиилээх, идэҕин толору баһылаан, сыралаах үлэн сыанала-
 нан «Саха республикатын үтүөлээх бырааһа» аат ингэриллитинэн
 уонна Доруобуйа харыстабылын министерствота ыппыт күрээтэр
 «Сыл бастын салайааччыта» буолбуккунан итиитик-истинник эбэ-
 рдэлиибит!

Эн үлээтэр бэриниинг, салайар коллективын өссө да дьон махталын
 ыла турдун. Баҕарабыт Эйиэхэ чэгиэн-чэбдик доруобуйаны, эстибэт
 эрчими, баҕа санаа туолуутун, олоххо дуулуруу, инникигэ эрэли,
 үтүмэн үгүс үөрүүнү. Биһиги туспутугар өйбүл, тирэх, күүс-көмө
 буоларгын үрдүктүк сыаналыбыт, киэн туттабыт.

Эбэрдэни кытта ийэн, эдьийин, күтүөтүн, быраатын, балтын

АТЕЛЬЕ КЭРЭ

Кэрэтин кэрэ саҕылаар,
 Кэрэтин айылга уһуктар,
 Кэрэтин тулабыт кэрэҕэйэр,
 Кэрэтин үйэлээх түстэнэр!

Сахалыы матыыптаах текстиль
 эһиги дьыэбит киэргэлэ

Саха ойуута-мандара дьолу
 тардар, харыстыыр, үтүөнү
 түстүүр дьикти күүстээх. Ол
 кистэлэнин ингэримит текстиль
 - "Кэрэ" ателье аныгы
 технологиянан онорон таһаарар
 сахалыы истииллээх, оһуор-
 бичик ойуулаах, дьыэни
 киэргэтэр кэрэ көстүүлээх түннүк,
 остуол, дьыбаан сабыылара,
 олбохтор, паннолар.
 Маны таһынан, оҕо, эр киһи,
 дьахтар танаһын арааһын кэлэн
 көрүн, сэргээн, атыылаһын!

г. Якутск, Крестьянский р-к 1эт.,
 магазин «Кэрэ» +7 984 112 73 35
 с. Намцы, ул. Чернышевского, 2 +7 914 109 34 74
 ТЦ «Шоколад» магазин «Кэрэ» Kere.atielie@mail.ru

Продается 3-хкомн. квартира
 в 4-квартирном доме с отдель-
 ным входом в квартиру через
 свою территорию. Внутри тер-
 ритории: котельная 3х6, душ, 2
 теплицы. Помимо этого имеется
 огражденная усадьба с надвор-
 ными постройками: баня, туалет,
 хотон, гараж, курятник – 970
 т.р. Торг.
 Тел. 89142348728, 89142898480

Намскому педагогическому
 колледжу с 2014-2015 уч. года
 на работу требуются: фельдшер,
 медицинская сестра, преподава-
 тель физической культуры, пре-
 подаватель информатики, мате-
 матики и робототехники, препо-
 даватель методики дошкольного
 образования. Заявления, резюме
 принимаются по адресу: с. Нам-
 цы, ул. Студенческая, 1, каб. 104,
 113.

БАРЫҔЫТЫН ЫҤЫАҤЫНАН ЭБЭРДЭЛИИБИН!

Саха Сириг үрдүнэн Ыһаахтар саҕаланан эрэллэр. Ыһаах - Саха
 Саҕа Дьыла да, саха саҕа Сыла да буолбатах. ЫһАХ диэн - Тө-
 гүрүк сылга КҮН саамай үрдээбит күнүгэр КҮНҮГЭ сүгүрүйэр күн.
 Дьингээх ыһах күнэ - Бэс Ыһын 22 күнүгэр буолар. Улуу КҮН АЙ-
 ЫЫНЫ уруйдааһын-айхаллааһын бу күнүгэ онгоһуллуохтаах. Ону
 биһиэхэ сэрйи буолбут күнэ диэннэр (день скорби), бу күн ханнык да
 «маассабай» тэрээһин ытыттылыбат буолбута отой ыраатта, ол охсу-
 ута элбэх, ааҕа да барбаппын. КҮН саамай үрдүүр күнүгэр КҮНҮГЭ
 сүгүрүйүү онгоһуллубата, дьэ ол дьингээх хомолго күнэ буолар. Бэс
 ыйын 21 күнүгэр ыһаах ыһыы арыый да эрдэлээн, онтон бэс ыйын
 23 күнүгэр ыһаах ыһыы - хойутааһын. Онуоха биһиги сахалар, бэс
 ыйын 22 күнүгэр ыалынан, дьыэнэн, аймаһынан, түөлбөнэн ыһаағы
 ыһан, саатар дьыэ таһыгар да мустан, күн оройугар күнүс 12 чааска
 КҮММҮТҮН - уруйдуовун, кымыста ыһан КҮН АЙЫЫТЫН
 айхаллыабын. КҮНҮГЭ бэс ыйын 22 күнүгэр сүгүрүйүҥ! Бу этэрин
 сөптөөбүн, бу бэс ыйын саҕаланьытыгар Центральное Телевиде-
 ние Китая кытары кэлэн билэн-көрөн, Саха Бастагы Хараама Нам
 улунуугар Хамаҕаттаҕа баарын туһунан уһун күнү быһа киинэвэ
 устан бардылар.

ХАРЫСТАС ХАРАТААЛА

САХАБАЗАЛЫТ
 завод базальтовых материалов

Приобретайте продукцию «САХАБАЗАЛЫТ» по сниженным ценам
 только до 30 июня 2014 г.!

Вниманию якутян!

Для частного сектора, для крестьянских хозяйств
 «Сахабазалыт» выпускает новый продукт по доступным ценам:

ПП-60 – 3 600 рублей
ПЖ-100 – 5 500 рублей!

А также снижение цен на плиты:
П-75 – 3 800 рублей,
П-125 – 5 700 рублей!

Заключая договора на сумму свыше
132 тыс. рублей до 30 июня 2014 г.,
 Вы можете получить:

- БОЛЬШОЙ ПРИЗ - на сумму 132 тыс. рублей!
- СУПЕРПРИЗ – домокомплект благоустроенного базальтового дома (от базальтовых плит, пиломатериалов до окон, дверей) площадью 54 кв.м. стоимостью 840 тыс. рублей!

ЗВОНИТЕ, УЧАСТВУЙТЕ, ВЫИГРЫВАЙТЕ!

г. Якутск, ул. Орджоникидзе 36/1 (LG Саха-центр), офис 408, тел.: 40-39-20, 40-22-22
 г. Якутск, ул. 50 лет Советской Армии, 53/1, тел.: 44-91-94
 г. Покровск, ул. Заводская, 1, тел.: 8 (41144) 44-042

*Данная акция не является стимулирующей лотереей, на нее не распространяются требования Федерального закона РФ №138-ФЗ от 11.11.2003 г. «О лотереях» и направлять уведомление в уполномоченный государственный орган не требуется.

**УВАЖАЕМЫЕ ЖИТЕЛИ
с. НАМЦЫ и НАМСКОГО
УЛУСА!**

Сообщаем Вам о том, что в магазине «Туйаара» работает пункт очистки питьевой воды. Воду разливаем в тару покупателя. Ждем Вас ежедневно с 10-00 до 19-00, в воскресенье с 10-00 до 17-00, обед с 13-00 до 14-00 ч.

Деньги легко и быстро! За-ймы от 2000 до 15000 руб. по двум документам, 2% в день.

Тел. 89142723633
Наш адрес: с. Намцы, ул. Ле-нина, 12/2, магазин «Электра-продукты», 2-й этаж

МАХТАЛ

Бам ыйын 15 күнүгэр би-ниги тапталлаах уолбут, убайым, быраашпыт, таптыыр кэргэним, аҕабыт, күтүөппүт Сивцев Петр Семенович бу күн сириттэн соһу-мардык, хомолголоохтук бу орто дойдуттан барбыта бэс ыйын 23 күнүгэр 40 хонугун туолар.

Бу ыар күннэрбитигэр ти-нигин быспакка күүс-көмө, өйөбүл, сүбэ-ама буолбут биир-гэ төрөөбүттэрбитигэр бары-ларыгар, ыраах-чугас аймах-тарбытыгар, чуолаан Татъя-на, Афанасий Алексеевтарга, Хатын-Арыы дьаһалтатыгар, улуустаабы култура тэрилтэ-лэригэр, ДШИ, музей, библио-тека профсоюзтарыгар, Хатын-Арыы, Затон орто оскуолалары-

Продается частный ново-строенный дом в с. Аппаны – 54 кв.м. (7х7 с пристроем 3х3), 2013 г. постройки. Газ + свет, огром-ный участок размером 25 соток, надворные постройки. Докумен-ты все в собственности. Цена – 1300000 с торгом.
Тел. 89243604394, 89142391242

Продается стенка 5-секци-онная, 6/у в хорошем состоянии – 15 тыс. руб. Торг при осмотре.
Тел. 89142306933

Порядочная семья снимет частный дом на 1 месяц.
Тел. 89644239716

гар, «Сандаара», «Хатынчаана» детсадтарга, бииргэ үөрэммит, үлэлээбит табаарыстарбыты-гар, дьүөгэлэрбитигэр, олохтоох түөлбөлөргө, эдэр эрдэхпитинэ бииргэ алтыспыт табаарыстар-бытыгар, ыкса олорор ыаллары-гар, көмөлөспүт, үтүө санаалаах улууспут, нэһилиэкпит дьону-гар бука барыларыгар истинник махтанабыт. Эһиэхэ өрүү дьол-соргу, табыллыы-сатаныы эрэ эңгэрдэстин, этэнгэ сылдьын, чэгиэн-чэбдик буолун, үгүс си-тиһиилэри онорбут үтүөбүт үтүөнэн хас эмэ бүк эргиллэн кэлэ туруохтун.

**Ийгэ, аҕата, бииргэ
төрөөбүттэрэ, кэргэнэ, оҕолоро,
Любовь, Григорий Поповтар**

КЭРИЭСТЭБИЛ



2014 сыл бэс ыйын 16 күнү-гэр биһиги күндү аҕабыт, эһэбит, ытыктыыр кыр-дѳаас күтүөспүт, Нам улууһун уон-на Хатырык нэ-һилиэгин Бочуот-таах гражданина, педагогическай үлэ ветерана, Нам улууһуттан Арҕаа сэрии бүтэһик саллаата Дьяконов Никита Михайлович орто дойдуттан барбыта биир сыла буолла.

Кини 1921 сыллаахха Нам оройуонун Бөтүн нэһилиэгэр ор-то сэниэ ыалга төрөөбүтэ. 1931 с. Никита Шмидт салиэнньэтигэр 4 кылаастаах оскуола маннайгы кылааһыгар үөрэнэ киирбитэ. 1935-1939 сылларга Намна көһөн Нам 7 кылаастаах оскуолаты-гар үөрэҕин салѳаабыта. 1939 с. кини оскуолатын ситиһиилээх-тик бүтэрэн Дьокуускайдааҕы финансовай техникумга үөрэнэ киирбитэ. 1941 с. техникум үһүс куурсугар үөрэнэ сырыттаѳына Аҕа дойду сэриитэ саѳаламмы-та. Ол сыл дойдутугар тахсан маннай үөрэх оройуоннааѳы са-лаатыгар бухгалтерынан, онтон райфингга Госстрах инспекто-рынан үлэлээбитэ.

1942 сыл кулун тутар 10 күнүгэр Никита, 21 эр саас-таах эдэркээн киһи, армияѳа ыңгырыллан Аҕа дойдутун кө-мүскүү барбыта. Аҕабыт бастаан илин, Маньчжурия чугаһыгар, алта ыйдаах полковой оскуолаѳа байыаннай үөрэѳи барбыт, млад-шай сержант званиятын ылыбыт. Забайкальской минометнай учи-лищеѳа түөрт ый үөрөнэн баран, 1942 сыл ахсынньы ыйыттан 1944 сыл ыам ыйыгар диэри аҕабыт 222 зенитнэй полкаѳа пулемет-най расчет командырынан сыл-дьыбыт. 1944 сыл ыам ыйыттан 2 Белорусскай фронт Суворов III степенэ уордьаннаах 72 гвар-дейскай Лазовскай-Брестскэй стрелковай дивизиятыгар 110 стрелковай полка састаабыгар сылдьан сэрйилэспит. Гвардия старшай сержана званиелаах зенитнэй отделение команди-рын көмөлөһөөччүтүнэн, зе-нитнэй расчет командирынан

сылдыбыт. Белоруссия, Укра-ина, Польша, Германия элбэх куораттарын, нэһилиэнньэлээх пуууннарын босхолоспут.

Аҕабыт Кыайыы күнүн Арѳаа Германияѳа Шверин куорат чу-гаһыгар көрсүбүт. Кыайыы кы-наттанан 1946 сыллаахха дой-дутугар эргиллэн кэлбитэ уонна эйэлээх олоѳу тутууга үлэтин Хатырык сэттэ кылаастаах ос-куолатыгар военругунан уонна физкультура учууталынан са-ѳалаабыта. Эдэр сылдьан аҕабыт бэйэтин сүрдээѳин кыанар, сым-са, сатабыллаах этэ. Хайыһарга, сүүрүүгэ, спортивной гимнасти-кага оҕолору дьарыктыыр эбит, оскуола оройуонга өрүү инники күөнгэ (1-кы, 2-с миэстэлэргэ) сылдьыбыт.

1953-1959 сс. Алдан оройу-онун Бөллөөт, Киров уонна Ста-лин нэһиликтэрин оскуолала-рыгар история, география уонна начальнай кылаас учууталла-рынан, оскуола сэбиздиссэйи-нэн үлэлээбитэ, бу дойду дьо-нуун ытыктабылларын ылыбыт. 1960 сыллаахха Нам оройуонун Батамаайы начальнай оскуола-тын сэбиздиссэйинэн анаммыта. 1961 сыллаахтан Хатырык орто оскуолатыгар 1969 сылга диэри начальнай кылаастарга учуу-талаабыта, онтон 1987 сылга пенсияѳа тахсыар диэри оскуола интернатыгар иитээччинэн уон-на сэбиздиссэйинэн үлэлээбитэ.

Аҕабыт ханна да үлэлээтэр, нэһилиэк общественнай олоѳор политпропагандист, агитатор, нэһилиэк Советын депутатын, охотобщество председателин, быыбар комиссиятын председа-телин быһытынан актыыбы-найдык кыттар.

1949 с. Хатырыкка олорон аҕабыт ийэбитинэн Колесо-ва Екатерина Петровналын холбоһон ыал буолбуттара. Үс оѳону төрөтөн, иитэн, үөрэттэ-рэн атахпытыгар туруорбуттара.

Күндү аҕабыт Дьяконов Никита Михайлович сырдык мөссүүнэ, хас биирдиибитигэр сылаас сыйхана, кыһамныта хаһан да умнулубат үтүө өйдө-бүл буолан биһиги сүрэхпитигэр, өйбүтүгэр-санаабытыгар куруу-тун тыыннаах буолуоѳа.

**Оҕолоро, сиэннэрэ,
чугас аймахтара**

Ыанар ынахтары атыылы-ыбын, Симменталь боруодалар, 5 уст., тыыннаах ыһааһынынан, киилэтэ – 150 солк.
Тел. 89241735048, 89142661083

Продаю двигатель на Т-16, Т-25 после кап. ремонта.
Куплю ЗИЛ-130, можно без документов.
Тел. 89241732633

Куплю сруб дома 7х7 или 7х8 по приемлемой цене.
Тел. 89244678895, 89142232878, 89627355709, 89141101418

Грузовые перевозки.
Тел. 89243661967, 89841160270

Услуги электрика.
Тел. 89246636358

Тапталлаах кэргэним, ийэбит, эбэбит, СР до-руобуйатын харыстабылын туйгуна, улуустааѳы балыыһа акусчерката КИРИЛЛИНА Джультетта Афанасьевна бэс ыйын 15 күнүгэр уһун, ыарахан ыарыыттан олохтон барбытын туһунан чугас дьоммутугар, аймахтарбытыгар, дьүөгэлэригэр диригник курутууһун туран иһитиннэрэбит. Кэргэнэ, оҕолоро, сиэннэрэ	Коллектив женской консультации Намской ЦРБ выражает глубокое соболезнование мужу Александру Васильевичу, детям, внукам и род-ственникам, в связи с кончиной горячо любимой жены, матери, бабушки, нашей дорогой коллеги ДЖУЛЬЕТТЫ АФАНАСЬЕВНЫ. Пусть светлый ангел сохранит ее душу!
Күндү балыбыт, СР доруобуйа харыстабылын туйгуна, улуустааѳы балыыһа акусчерката КИРИЛЛИНА Джультетта Афанасьевна уһун, ыарахан ыарыыттан күн сириттэн барбы-тынан кэргэнигэр Александр Васильевичка, оҕолоругар Марияѳа, Альбертка, Веролеттаѳа, сиэннэригэр дириг кутурѳаммытын биллэрэбит. Убайа Спартак, эдьийдэрэ Надежда, Вера, Любовь	Улуустааѳы киин балыыһа үрдүк категориялаах акусчерката, Саха республикатын доруобуйатын харыстабылын туйгуна КИРИЛЛИНА Джультетта Афанасьевна уһун, ыарахан ыарыыттан күн сириттэн барбы-тынан кэргэнигэр Александр Васильевичка, оҕолоругар, сиэннэригэр дириг кутурѳаммытын тизрэдэбит. «Пограничник» кулуп чилиэттэрэ
Убайытыгар, М.К. Аммосов аатынан СР государственного музейн салайаачыта Александр Васильевич Кириллингэ, оҕолоругар Марияѳа, Альбертка, Веролеттаѳа, күтүөппүтүгэр Николайга, кийииппитигэр Саргыланаѳа, сиэн-нэригэр тапталлаах кэргэнэ, ийэлэрэ, эбэлэрэ, СР доруобуйатын харыстабылын туйгуна, Нам улууһун балыыһатын акусчерката КИРИЛЛИНА Джультетта Афанасьевна ыарахан ыарыыттан күн сириттэн суох буолбуту-нан дириг кутурѳаммытын тизрэдэбит. Намтан, Дьокуускайтан Кириллиннэр	Нам улуустааѳы гимназиятын 10 «в» кылааһын үерэнэччилэрэ, төрөппүттэрэ бииргэ үерэнэр доѳорбутугар Веролеттаѳа, аѳаларыгар Алек-сандр Васильевичка күндү, таптыыр ийэлэрэ КИРИЛЛИНА Джультетта Афанасьевна күн сириттэн ыарахан ыарыыттан барбытынан дириг кутурѳаммытын тизрэдэбит. 10 «в» кылаас оҕолоро, төрөппүттэрэ
Чугас ыалбытыгар Кириллин Александр Ва-сильевичка, оҕолоругар, сиэннэригэр таптыыр кэргэнэ, ийэлэрэ, эбэлэрэ, Саха республикатын доруобуйатын харыстабылын туйгуна КИРИЛЛИНА Джультетта Афанасьевна уһун, ыарахан ыарыыттан күн сириттэн бар-бытынан дириг кутурѳаммытын биллэрэбит. Кытаатын, ыар аһыгытын тэигэ үлэстэбит. Парковой уул., Резезовой переулок олохтоохторо	Хатырык нэһилиэгин оѳо саадыгар өр кэм-нэргэ бииргэ алтыһан үлэлээбит убаастыыр коллегаларбытыгар, дьүөгэлэрбитигэр Бачи-сова Вера Афанасьевнаѳа, Осипова Надежда Афанасьевнаѳа, кини дьыэ кэргэнигэр тапталлаах балтылара, оҕолорго эдьийдэрэ, М.К. Аммосов аатынан СР государственного музейн историитын музейин директорыгар Кириллин Александр Васильевичка тапталлаах кэргэнэ, оҕолоругар күндү ийэлэрэ, СР доруобуйатын харыстабылын туйгуна, үрдүк категориялаах акусчер-гинеколог КИРИЛЛИНА Джультетта Афанасьевна уһун, ыарахан ыарыыттан күн сириттэн барбыты-нан дириг кутурѳаммытын тизрэдэбит. «Кэскил», «Кэрэчээнэ» оѳо тэрилтэлэриттэн бииргэ үлэлээбит коллегаларгыт
«Нам улууһа» МТ дьаһалтата, депутаттар улуустааѳы сэбизтэрэ, ветераннар сэмизтэрэ М.К. Аммосов аатынан СР государственного музейн директора А.В. Кириллингэ, оҕолору-гар уонна сиэннэригэр таптыыр кэргэнэ, ийэлэрэ, эбэлэрэ, СР доруобуйатын харыстабылын туйгуна КИРИЛЛИНА Джультетта Афанасьевна уһун, ыарахан ыарыыттан өлбүтүнэн дириг ку-турѳаммытын тизрэдэбит. «Энсиэли» хаһыат редакциятын коллектива, Рѳ Журналистарын соѳиун Нам улууһунааѳы отделениета	Күндүтүк саныыр киһибиитигэр, салайаач-чыбытыгар, М.К. Аммосов аатынан Саха рес-публикатын государственного музейн историитын музейин сэбиздиссэйигэр Александр Васи-льевич Кириллингэ, оҕолоругар, сиэннэригэр тапталлаах кэргэнэ, ийэлэрэ, эбэлэрэ КИРИЛЛИНА Джультетта Афанасьевна ыарахан ыарыыттан күн сириттэн барбытынан дириг кутурѳаммытын тизрэдэбит. Музей үлэһиттэрэ
М.К. Аммосов аатынан государственность историятын музейин директорыгар, Рѳ Жур-налистарын соѳиун чилиэннигэр, «Ленскэй нэһилиэк» МТ сэбизтин депутатыгар Кириллин Александр Васильевичка тапталлаах кэргэнэ КИРИЛЛИНА Джультетта Афанасьевна уһун, ыарахан ыарыыттан өлбүтүнэн дириг ку-турѳаммытын тизрэдэбит. «Энсиэли» хаһыат редакциятын коллектива, Рѳ Журналистарын соѳиун Нам улууһунааѳы отделениета	Намнааѳы педколледж Ытык киһитэ, Нам солотун Ытык кырдыаѳаһа, үлэ, тыыл ветерана, улахан ыал тапталлаах ийэлэрэ, эбэлэрэ, хос эбэлэрэ, хос-хос эбэлэрэ ДМИТРИЕВА Екатерина Афанасьевна уһун, ыарахан ыарыыттан күн сириттэн барбы-тынан оҕолоругар, сиэннэригэр, хос сиэннэ-ригэр, хос-хос сиэннэригэр, кийииппитигэр Александрѳа, уолбутугар Максимга, оҕолору-гар, бары аймахтарыгар дириг кутурѳаммытын тизрэдэбит. А.Е. Гуляева дьыэ кэргэттэрэ
КИРИЛЛИНА Джультетта Афанасьевна ыарахан ыарыыттан олохтон туораабытынан ди-риг кутурѳаммытын тизрэдэбит. «Хатырык нэһилиэгэ» муниципальный тэрилли дьаһалтата, депутаттара	Өр сылларга ыаллы олорубт ытыктыыр киһибит, үлэ, тыыл ветерана ДМИТРИЕВА Екатерина Афанасьевна ыарахан ыарыыттан күн сириттэн күрэммитинэн оҕолоругар, сиэннэригэр, хос сиэннэригэр ди-риг кутурѳаммытын тизрэдэбит. Чугас ыаллара Труниннар, Н.Н. Соловьева, Баишевтар, Эверстовтар
«Нам улууһа» МТ культураѳа уонна духуобунай сайдыыга управлениета, култура үлэһиттэрин идэлээх соѳиуһун комитета өр сылларга куль-тура управлениетын начальныгынан үлэлээбит, убаастыыр коллегабыт, салайааччыбит Кириллин Александр Васильевичка, оҕолоругар, чугас дьонуугар тапталлаах кэргэнэ, ийэлэрэ, кыыстар ДЖУЛЬЕТТА АФАНАСЬЕВНА уһун, ыарахан ыарыыттан олохтон туораабытынан дириг кутурѳаммытын тизрэдэбит.	Таптыыр күндү ийэбит, эбэбит, хос эбэбит, үлэ, тыыл ветерана КИЛАТЧАНОВА Екатерина Леонтьевна уһун, ыарахан ыарыыттан күн сириттэн барбытын бары аймахтарбытыгар, үөлээннээхтэригар, билэр дьонноругар диригник курутууһун туран иһитиннэрэбит. Оҕолоро, сиэннэрэ, хос сиэннэрэ
Биир идэлээхпит Кириллин Александр Васи-льевичка, М.К. Аммосов аатынан Республикан-скай государственность музейин директорыгар кини тапталлаах кэргэнэ КИРИЛЛИНА Джультетта Афанасьевна уһун, ыарахан ыарыыттан күн сириттэн күрэммитинэн дириг кутурѳаммытын тизрэдэбит. Нам уонна Хатын-Арыы музейдарын коллектива	Өр кэмгэ ыаллаһан олорубт истинник саныыр дьоннорбор Проняѳа, Саргыга күн күбэй ийэлэрэ, оҕолорго тапталлаах эбэлэрэ, үлэ, тыыл ветерана КИЛАТЧАНОВА Екатерина Леонтьевна уһун, ыарахан ыарыыттан олохтон туораабытынан дириг кутурѳаммын тизрэдэбит. Мария Федорова
Улуустааѳы киин балыыһа администрацията, профкома, поликлиника коллектива өр сылларга бииргэ үлэлээбит коллегабыт, Саха республи-катын доруобуйатын харыстабылын туйгуна, женской консультацийтын үрдүк категориялаах акусчерката, тапталлаах кэргэн, амарах ийэ, эбэ КИРИЛЛИНА Джультетта Афанасьевна уһун, ыарахан ыарыыттан күн сириттэн барбы-тынан кэргэнигэр Александр Васильевичка, оҕолоругар, сиэннэригэр дириг кутурѳаммытын тизрэдэбит.	Бииргэ үерэммит дьүөгэбитигэр Решетникова Саргылана Дмитриевнаѳа, оҕолоругар, сиэннэ-ригэр тапталлаах ийэтэ, эбэлэрэ, хос эбэлэрэ КИЛАТЧАНОВА Екатерина Леонтьевна уһун, ыарахан ыарыыттан ыалдьһан өлбүтүнэн дириг кутурѳаммытын тизрэдэбит. Нам орто оскуолатын 1982 с. 10 «в» кылаас выпускниктара

ИДЬУО ИҺИТИННЭРЭ

ИТИРИКТЭР – СУУТ ДЬИЭТИГЭР, ПОЧТАҒА

Ааспыт нэдиэлэ устата 20 эт-хаан эчэиитин, 12 уоруу, 3 суол быһылаанын, 1 сураѳа суох сүтүү, 1 өлүү туһунан иһитиннэриилэр киирдилэр.

Ыаллартан алюминиевай флягалары уоруу туһунан 3 иһитиннэ-рии киирдэ. Аппааныга кимэ биллибэт киһи токарнай сяхаха киирэн араас тэриллэри уорбут, ону саҥа тутулар котельнай иһиттэн бул-буттар. «Айгуль» маѳаһынтан арыгыны, кэнсирбэлэммит балыгы, жвачканы сойбоппуттар. Мыраан үрдүгэр «Санников» дизн сиртэн 10 устуука профлиистэри илдэ баран 12 тыһ. солк. хоромну тахсыбыт.

Сайын буолан мотоциклга оһоллонуу 2 түбэлтэтэ бэлиэтэннэ. Романовка дизн Нам сэл. аннынааѳы сиргэ маска Ыйаммыт эр киһи өлүгэ көстүбүт. Суут пристава оройуоннааѳы суут дьизэтигэр итирик киһи баар дизн биллэрдэ. Оттон Хамаѳаттаѳа кизһэ 7 ч. саѳана гр. И. уонна Р. итирик сылдьан почта дьизэтигэр баалларын иһитиннэрэн, административнай миэрэѳэ тардылыннылар. Итирэн баран дьыэ иһигэр содуомнааһын 5 түбэлтэтэ таѳыста.

Нэдиэлэ устата 698 транспорт бэрэбиэркэлэммит, 97 борото-кул толоруллубут, 7 итирик суоппар тутулубут, ыстарааптыыр стоянкаѳа 11 транспорт туруорулунна.

Нам улуустааѳы гимназиятын 10 «в» кылааһын үерэнэччилэрэ, төрөппүттэрэ бииргэ үерэнэр доѳорбутугар Маринаѳа, ийэлэригэр Саргылана Дмитриевнаѳа күндү эбэлэрэ КЫЛАТЧАНОВА Екатерина Леонтьевна ыарахан ыарыыттан күн сириттэн барбытыгар дириг кутурѳаммытын тизрэдэбит. 10 «в» кылаас коллектива
Күндү кэргэним, аҕабыт, эһэбит, хос эһэбит, СР тыатын хаһаайыстыбатын үтүөлээх үлэһитэ, спорт ветерана, нэһилиэк Ытык киһитэ, Аппааны олохтоѳо ЭВЕРСТОВ Иван Степанович б.д.б. бэс ыйын 15 күнүгэр соһучу ыалдын күн сириттэн суох буолбутун туһунан улаханник курутууһун туран аймах-билэ дьоммутугар бил-лэрэбит. Кэргэнэ Зоя Афанасьевна, оҕолоро
Якутское республиканское правление Все-российского общества слепых, Намская местная организация ВОС выражают глубокое соболе-зование Эверстовой Зое Афанасьевне, детям, родным и близким по поводу скоростной смерти горячо любимого мужа, отца и дедушки ЭВЕРСТОВА Ивана Степановича. Иван Степанович останется в нашей памяти как добропорядочный и жизнерадостный человек, любящий побеседовать и пошутить.
Убаастыыр дьоммутугар Эверстова Зоя Афанасьевнаѳа, оҕолоругар, сиэннэригэр, хос сиэнигэр тапталлаах кэргэнэ, аѳалара, эһэлэрэ, хос эһэлэрэ ЭВЕРСТОВ Иван Степанович эмискэ ыалдын олохтон туораабытынан дириг кутурѳаммытын биллэрэбит. Намтан Винокурова А.М. дьыэ кэргэттэрэ
Ытыктыыр ара табаарыспыт, үлэ, спорт вете-рана, энтузиаст дуобатчыт ЭВЕРСТОВ Иван Степанович олохтон туораабытынан кэргэнигэр Зоя Афанасьевнаѳа, оҕолоругар, сиэннэригэр ди-риг кутурѳаммытын тизрэдэбит. Улуустаабы спорт управлениета, дуобат федерацията
Күндүтүк саныыр чугас аймахпыт, бырааппыт, убайыт, Түбэ нэһилиэгин олохтоѳо, ойуур ха-һаайыстыбатын ветерана ГОТОВЦЕВ Николай Николаевич ыараханник ыалдын олохтон туораабытынан кэргэнигэр Готовцева Маргарита Прокопьевнаѳа, оҕолоругар Туйаараѳа, Линаѳа, Проняѳа уонна сиэннэригэр дириг кутурѳаммытын тизрэдэбит. Хатырыктан, Намтан, Дьокуускайтан Поповтар, Дьяконовтар, Алексеевтар, Томаскалар, Рехлсовтар
Күндү ийэбит, эбэбит, хос эбэбит, Нам улуу-һун Түбэ нэһилиэгин Ытык киһитэ, Саха АССР VIII ыңгырылаах Верховной Советын депутата, «Бочуот Знага» уордан кавалера ШАРИНА Варвара Саввична ыараханник ыалдын бу дьыл бэс ыйын 12 күнүгэр күн сириттэн туораабытын диригник курутууһун туран иһитиннэрэбит. Кыргыттара, күтүөттэрэ, сиэннэрэ, хос сиэннэрэ Поповтар, Федоровтар
Истинник саныыр табаарыспыт, салайааччы-быт, өр сылларга Хатырык ОДьКХ атаѳар туураы-гар элбэх сыратын-сыбыатын эбирэбит ДЯКОНОВ Николай Анатольевич ыарахан ыарыыттан соһумардык күн сириттэн барбытынан аймах-билэ дьонуугар дириг кутур-ѳаммытын биллэрэбит. Хатырыктаабы ОДьКХ коллектива, табаарыстара
Бииргэ үерэммит дьүөгэбитигэр Чепалова Мария Николаевнаѳа таптыыр аѳата, эһэлэрэ ДЬАКОНОВ Николай Анатольевич эмискэ ыалдын олохтон барбытынан дириг ку-турѳаммытын тизрэдэбит. 1997 с. выпуск, Хатырык орто оскуолата
Бииргэ үлэлиир коллегабытыгар Сардаана Михайловнаѳа, кэргэнигэр Михаил Юрьевичка аѳалара, Кебөкөн нэһилиэгин олохтоѳо ГОГОЛЕВ Юрий Михайлович эмискэ ыалдын өлбүтүнэн дириг кутурѳаммы-тын тизрэдэбит. 1 Хомустаах орто оскуолатын коллектива

«Энсиэли» хаһыат
РИС талылынна, тагылынна уонна бэчээттиир сыаѳар бэчээттэннэ.
Аадырһа: Нам сэл. Заложная уул. N4
Формата А3. Кээмэйэ 1,0 бэчээт. лисс
Көнүл сыананан атылланар Индекс — Р0005. Тиража — 2174
Бэчээккэ илии баттаныһытын графига — 12:00 ч. 17.06.2014 с.
Бэчээккэ илии баттанна — 11:20 ч. 17.06.2014 с.

Редактор В.Г. КАСЬЯНОВ

ОТДЕЛЛАР:

редакторы солбуйааччы — **41496,**
суругу тиһии, хаһыаты тангы — **41332,**
бухгалтерия — **41141,**
факс — **41141, 41496.**

Тэрийэн таһаарааччылар: СР Правительствота, «Нам улууһун «Энсиэли» хаһыат редакцията» автономнай учреждение. Сибээс, информационай технологиялар уонна маассабай коммуникациялар эйгэлэригэр кэтээн көрүүгэ Федеральнай сулууспа СР управлениетыгар 2012 с. олунньу 7 күнүгэр регистрацияламмыт нүөмэрэ — **ПИ №ТУ14-0216.**

Сурукка ааккытын-суолугутун, үлэтигин, дьизэбит аадырыһын чопчу ыйын. Редакцияѳа киир-бит суруктар төннөрүлүбэттэр. **Автор этэрэ хаһыат санаатынын мэлдьи биир буолбат.**

«ЭНСИЭЛИ» - Нам улууһун хаһыата.
678380, Саха Республиката, Нам улууһа, Нам сэл., Заложная уул. 4.
E-mail: Namtsy41141@mail.ru; editor@namtsy.sakha.ru